

Llyr Gruffydd AS
Cadeirydd y Pwyllgor Cyllid
Senedd Cymru
Tŷ Hywel
Bae Caerdydd
CF99 1SN

7 Gorffennaf 2020

Annwyl Llyr

Prosiect meddalwedd ar gyfer deddfwriaeth: y wybodaeth ddiweddaraf

Yn ei adroddiad ar gyllideb ddrafft y Comisiwn ar gyfer 2020-21 ym mis Tachwedd 2019, gwnaeth y Pwyllgor Cyllid yr argymhelliad a ganlyn mewn perthynas â'r broses gaffael ar gyfer prosiect meddalwedd newydd ar gyfer deddfwriaeth y nododd y Comisiwn yn ei gyllideb ddrafft fel prosiect strategol allweddol:

Argymhelliad 1. Mae'r Pwyllgor yn argymhell y dylid darparu rhagor o fanylion am y prosiect meddalwedd deddfwriaeth ym mis Mehefin 2020 pan fydd mwy o fanylion, gan gynnwys costau, am y prosiect yn hysbys a bod y contract wedi'i ddyfarnu.

Yn dilyn cymeradwyaeth Bwrdd Gweithredol y Comisiwn a Bwrdd Rhaglen Llywodraeth Cymru ym mis Medi 2019, rheolodd a chynhaliodd y Comisiwn ymarfer tendro llawn Cyfnodolyn Swyddogol yr Undeb Ewropeaidd a ddaeth i ben ym mis Ebrill 2020. Dewisodd y panel gwerthuso Propylon LWB 360 fel y cynnyrch mwyaf addas ar gyfer ein gofynion, a dyfarnwyd y contract i Propylon ar ôl i Fwrdd Gweithredol y Comisiwn a Bwrdd Rhaglen Llywodraeth Cymru gymeradwyo'r achos busnes llawn ym mis Ebrill/Mai 2020.

Fel yr ydych yn gwybod, mae Cyllideb Ddrafft y Comisiwn ar gyfer 2020-21 yn nodi fel a ganlyn:

"Gallai amcangyfrif cost y prosiect i'r Comisiwn fod oddeutu £1 miliwn, fesul cam dros ddwy flynedd ariannol. Bydd y costau fesul blwyddyn ariannol yn cael eu cwblhau pan fydd cynllun prosiect ac amserlenni cysylltiedig wedi'u cytuno. Nid yw hyn yn cynnwys costau cefnogi blynyddol yr amcangyfrifir y byddant yn £100,000 y flwyddyn yn ychwanegol."

Gallaf gadarnhau yn awr fod cyfanswm y costau a ddarparwyd gan Propylon yn eu cais o fewn y swm hwn. Mae gwybodaeth am y costau wedi'i chynnwys yn y tablau a ddarperir fel atodiad i'r



Senedd Cymru
Bae Caerdydd, Caerdydd, CF99 1SN

✉ Sulafa.Thomas@senedd.cymru
☎ 0300 200 6227

Welsh Parliament
Cardiff Bay, Cardiff, CF99 1SN

✉ Sulafa.Thomas@senedd.wales
☎ 0300 200 6227

Ilythyr hwn, gyda'r costau'n cael eu rhannu'n gyfartal rhwng Comisiwn y Senedd a Llywodraeth Cymru.

Bydd gweithredu'r system i'r cam 'cynnyrch isafswm ymarferol' yn cymryd oddeutu 11 mis, gyda system newydd yn weithredol ym mis Mai 2021. Bydd yn disodli'r system bresennol, sef Propylon Legislative Workbench, y mae'r Senedd a Llywodraeth Cymru wedi'i defnyddio ers 2010. Bydd y system yn cael ei datblygu ymhellach yn ystod ei blwyddyn weithredu gyntaf.

Bydd Bwrdd Prosiect yn gyfrifol am oruchwylio gweithrediad llwyddiannus system feddalwedd deddfwriaeth newydd. Sefydlwyd y bwrdd cyn proses dendro Cyfnodolyn Swyddogol yr Undeb Ewropeaidd ym mis Medi 2019, ac mae'n cynnwys swyddogion o Gomisiwn y Senedd a Llywodraeth Cymru.

Gobeithio ei fod yn cynnwys yr holl wybodaeth sydd ei hangen arnoch chi.

Yn ôl yr arfer, cofiwch roi gwybod os hoffai eich Pwyllgor gael unrhyw wybodaeth bellach.

Yn gywir



Suzy Davies

copi at Gomisiynwyr y Cynulliad, Manon Antoniazzi, Nia Morgan

Croesewir gohebiaeth yn Gymraeg neu'n Saesneg / We welcome correspondence in Welsh or English



Atodiad 1

Costau'r prosiect Meddalwedd ar gyfer Deddfwriaeth

Costau sefydlu	2020-21	2021-22	2022 >
Sefydlu seilwaith	£8,000		
Datblygu pwrpasol - gofynion cynnyrch isafswm ymarferol	£125,500		
Datblygu pwrpasol - gofynion hanfodol		£58,000	
Gosod a sefydlu'r amgylchedd	£52,500		
Cyfluniad i gyflawni gofynion y cynnyrch isafswm ymarferol	£445,909	£66,091	
Cyfluniad i gyflawni gofynion hanfodol		£182,000	
Trosglwyddo data	£48,180	£11,820	
Hyfforddiant ar y systemau	£20,000	£20,000	
Rheoli prosiectau	£80,250	£69,750	
Treuliau	£10,000	£3,500	
CYFANSWM	£790,339	£411,161	
COSTAU'R SENEDD (@50%)	£395,170	£205,580	

Costau parhaus	2020-21	2021-22	2022 >
Ffi'r drwydded ar gyfer y feddalwedd	£50,000	£50,000	£50,000
Ffi lletya	£20,000	£20,000	£20,000
Cymorth, cynnal a chadw a diweddariadau		£100,000	£100,000
CYFANSWM	£70,000	£170,000	£170,000
COSTAU COMISIWN Y SENEDD (@50%)	£35,000	£85,000	£85,000

CYFANSWM COSTAU COMISIWN Y SENEDD*	£489,000	£231,750	£85,000
---	-----------------	-----------------	----------------

* Mae'r ffigurau ar gyfer 2020/21 a nodir yma yn gostau uchafswm, a gall rhai o'r costau hyn symud i 2021/22. Nid yw'r costau'n cynnwys TAW y gellir ei hadennill.

